


# TEZAU LITURGIC

## 21 MARTIE

# SLUJBA SF. CUVIOS SERAFIM MURAVEV DE LA VIRIȚK



## MINEIUL PE MARTIE MOSCOVA



# МЕСЯЦА МАРТА В 21-Й ДЕНЬ

## Преподобнаго

## Серафима Вырицкого

### НА ВЕЛИЦЕЙ ВЕЧЕРНИ

На Господи, возвах: стихиры, глас 5:

Радуйся, Церковь Русская, / ты бо в годы  
гонений безбожных / сонмом святых угодников  
украшилася еси, / иже Христу Спасу верность  
соблюдоша / и веры ради гонения люта  
претерпеша, / в нихже сияет преподобный  
Серафим Вырицкий, / яко звезда пресветлая, /  
теплый пред Богом молитвенник // и добрый  
пастырь стада Христова.

Радуйся, Серафиме пречудне, / ты бо, добрую  
куплю в житии совершив, / богатству земному  
никогдаже свое сердце прилагал еси, / но от  
юности сокровища нетленная собирая, / образ  
добродетели в мире явил еси, / слову же  
Господню последуя, / имение оставил еси / и, иго  
Христово восприем, // к совершенству  
евангельскому потекл еси.

Ра́дуйся, Серафíme пречу́дне,/ ты бо, от  
ю́ности послуша́нию навы́к,/ во́ли Бо́жией  
невозврати́мым по́мыслом послéдовал еси́,/ те́мже  
па́стырь до́брый и му́дрый показав́ся,/ Ду́хом  
Бо́жиим па́ству твою́ усéрдно упáсл еси́/ и,  
волокóв хищных не убоя́вся,/ ду́шу за о́вцы  
словéсныя положи́л еси́, // сего́ ра́ди ны́не  
ублажа́ешися.

Ра́дуйся, Серафíme пречу́дне,/ ты бо я́ко  
сосу́д Бо́жий избра́нный яви́лся еси́/ и, вся  
заповеди́ Госпо́дни до́бре сохраня́я,/ ча́да тво́я  
То́му Еди́ному угожда́ти научи́л еси́,/  
благода́тию же Бо́жиею при́сно осиява́емь,/  
свéтел лицéм, я́ко Моисе́й, показáлся еси́./  
Те́мже и всем притека́ющим к тебе́ исто́чник  
води́ животи́ныя явля́ешися.

Ра́дуйся, преподо́бне Серафíme,/ ты бо в  
по́двизе крéпцем поста́ и моли́твы/ предста́тель  
за всю зéмлю Росси́йскую яви́лся еси́,/ во  
бде́ниях ко Го́споду рúце воздева́я,/ о  
избавле́нии от враг ви́димых и неви́димых  
хода́тайствова́л еси́,/ утеша́я и исцеля́я  
болéзнующия те́лом и душе́ю./ Ны́не же, в  
селéниях ра́йских водворя́ясь, // не премолчи́ за  
ны ко Го́споду.

Сла́ва, глас 1:

О дивное чúdo! / Во мра́це безбо́жия и  
гонéний на Це́рковь Ру́сскую / Серафим  
Вы́рицкий свет лю́дем быва́ет, / па́стырь  
духо́вный и чадолюбivéый, / моли́твенник  
пла́менный и дерзнове́нный, / исто́чник  
утешéния и исцелéний, / к нему́же с любóвию  
возопи́м: / испроси́ чту́щим с любóвию па́мять  
твою́ // мир и ве́лию ми́лость.

И ны́не, Богоро́дичен: Всеми́рную сла́ву:

Вход. Прокі́мен дне. Чтéния преподо́бническая.

На литіи стихи́ры, глас 5:

Ра́дуйся, землѣ́ Петербу́ржская, / се бо  
принесла́ еси́ Го́сподеви ве́лий сонм святы́х  
уго́дник: / святители́ и иере́и пра́ведныя, /  
священномученики́ и испове́дники, / с ними́же и  
преподо́бныя отцы́, / от нихже́, я́ко цвет  
благоуха́нный, / да восхва́лится днесь ста́рец  
предивный, // чудотво́рец Серафим  
достоблаже́нный.

Глас 6:

Глас моли́твенный в ве́си Вы́рицтей  
возно́сится, / Серафим бо́ преподо́бный /

ходатайствует пред Богом о людех православных,/ угнетаемых и убиваемых от властей безбожных,/ да не оскудеют верою в Промысл Божий/ и в терпении, Христа Бога прославляюще, // верными чадами Церкви Православныя пребудут.

Слава, глас 2:

Се, яви нам Владыка Христос милость Свою богатую,/ не попусти бо оскудети преподобному до конца,/ ниже праведному Своему видети истления,/ се бо ныне преподобный Серафим,/ предстоя Престолу Святыя Троицы, // тепле молится о спасении душ наших.

И ныне, Богородичен, глас тойже:

Спаси от бед рабы Твоя, Богородице,/ яко вси по Бозе к Тебе прибегаем, // яко нерушимей Стеней и Предстательству.

На стиховне стихиры, глас 8.

Подобен: О, преславнаго чудесе:

О, предивнаго чудесе! / Яко един от древних,/ подвижник веры и благочестия/ в Александро-Невстей лавре является/ и наследник благодатных даров/ преподобнаго Варнавы

Гефсиманскаго бываёт,/ ему́же возопи́м с  
любо́вию:/ ра́дуйся, преподо́бне Серафíme, //  
те́плый наш пред Бо́гом моли́твенниче.

Стих: Честна́ пред Го́сподем/ смерть  
преподо́бных Его́.

О, пресла́внаго чудесе́!/ О, глубины́ про́мысла  
Бо́жия!/ Свети́льник ве́ры предивный/ в ма́лой  
веси́ Вы́рицтей/ от гоне́ний соблюда́ется/ и  
мно́гия лю́ди све́том Христо́вы ве́ры  
просвеща́ет,/ ему́же возопи́м с любо́вию:/  
ра́дуйся, преподо́бне Серафíme, // крѣпкий наш  
пред Бо́гом предста́телю.

Стих: Восхва́лятся преподо́бнии во сла́ве/ и  
возра́дуются на ло́жах свои́х.

О, пресла́внаго чудесе́!/ Богому́дрый  
наста́вник/ и прови́дец бу́дущих/ Сераф́им  
Вы́рицкий бываёт/ и оби́льные да́ры благода́ти/  
всем прося́щим источа́ет,/ ему́же возопи́м с  
любо́вию:/ ра́дуйся, преподо́бне Серафíme, //  
благода́тный наш пред Бо́гом засту́пниче.

Сла́ва, глас то́йже:

Мона́хов мно́жество,/ архиере́е, священни́цы  
и вси лю́дие,/ ны́не соше́дшеся, просла́вим  
преподо́бнаго Сераф́има,/ пла́меннаго

служителя Господня, / миряном правило  
известнейшее / и иноком честную похвалу, /  
человеком доброго наставника / и Ангелом  
предивнаго собеседника. / К нему же с любовью  
возопиим: / молися, блаженне, Господеви //  
помилуваны душам нашим.

И ныне, Богородичен, глас той же:

Безвестная Дево, / Яже Бога неизреченно  
заченши плотию, / Мати Бога Вышняго, / Твоих  
рабов мольбы приими, Всенепорочная, / всем  
подаючи очищение прегрешений, / ныне наша  
моления приемлющи, // моли спастися всем нам.

Тропарь, глас 4:

Яко пресветлая звезда Российския земли, /  
возсиял еси в веси Вырицтей, / преподобне  
Серафиме, / и благодатию Святаго Духа  
наставляемь, / светом чудес твоих страну нашу  
озарил еси. / Тем же ко гробу твоему  
притекаяюще, умильно глаголем: // моли Христа  
Бога спастися душам нашим.

## НА УТРЕНИ

На Бог Господь: тропарь преподобнаго,  
дважды. Слава, и ныне, Богородичен: Еже от  
века утаенное:

По 1-й стихологии седален, глас 4:

Яко солнце, возсияв, / зарями блистаеши  
всему миру чудесы и подвиги твоими, /  
преподобне Серафиме Вырицкий чудотворче, /  
светоносче, блаженне, земли нашея похвало.

Слава, и ныне, Богородичен, глас тойже:

Под кров Твой, Пречистая Дево,  
прибегающих не презри / и мольбу принеси о  
нас Человеколюбцу Богу, / спасиися рабом  
Твоим.

По 2-й стихологии седален, глас 1:

Праведно на земли пожив, отче богоносе, /  
ныне со всеми святыми ликуеши на Небесех. /  
Поминай ны, творящая память твою, /  
Серафиме предивне.

Слава, и ныне, Богородичен, глас тойже:

Непостижно чудо зачатия / и несказанен  
образ Рождества в Тебе познася, Приснодево  
Чистая, / ужасает ум и удивляет помышление, /

сла́ва Твоя́, Богоро́дице, всем простре́ся во спасе́ние душ на́ших.

По полиеле́и седа́лен, глас 8:

Стра́сти плотскія́ и душе́вныя послуша́нием и по́двигом укроти́в,/ сосу́д избра́нный ми́ра благоуха́ннаго испо́льнъ,/ ду́шу свою́ непоро́чну Бо́гу соблю́л еси́,/ и прия́л еси́ от Спа́са благода́ть Свята́го Ду́ха/ исцеля́ти стра́ждущих телеса́ и ду́ши ве́рных просвеща́ти,/ сего́ ра́ди благодарственнó вопи́ем ти:/ о́тче Серафíme, моли́ Христа́ Бо́га о спасе́нии душ на́ших.

Сла́ва, и ны́не, Богоро́дичен, глас то́йже:

Излий, Пресвята́я Де́во,/ от мно́гих щедро́т Сы́на Твоего́ ми́лости неизрече́нныя/ на тща́щихся прославля́ти уго́дники Его́,/ при́сно предста́тельствующи с ни́ми о спасе́нии душ на́ших.

Степе́нна, 1-й антифо́н 4-го гласа. Прокі́мен, глас 4: Честна́ пред Го́сподем смерть преподо́бных Его́. Стих: Что возда́м Го́сподеви о всех, я́же воздаде́ ми? Вся́кое дыха́ние: Ева́нгелие от Матфе́я, зача́ло 43.

По 50-м псалмѣ стихира, глас 6:

Возлюблен бысть Богом от юности твоея,/  
преподобне отче Серафиме, / еще в миру ти  
сущу Господу угодил еси, / наипаче же в  
священноинокестве Духа Святаго благодать  
приумножил еси, / представителю теплый за землю  
нашу, / иноком жезле крепости и всем  
требующим помощи чудотворный подателю, //  
испроси и нам от Христа мир и велию милость.

Канон, егже краегранесие:

Како воспоем тя по долгу, Серафиме чудне. Глас 2

Песнь 1

Ирмос: Во глубине постла иногда/  
фараонитское всевоинство преоруженная сила,/  
воплотшееся же Слово всезлюбный грех  
потребило есть, / препрославленный Господь, //  
славно бо прославися.

Како возможем достойно воспети твоё  
богоугодное житие, Серафиме подобне? / От  
юности бо Христу любовью уязвився, /  
свительник пресветлый многим явился еси. /  
Темже молим тя: / даруй и нам просвещение  
достойно тя славити.

А́нгелом собесѣдникъ явѣлся еси́ изрядный, свя́те,/ прѣ́жде бо жити́я иноческаго во́лю Бо́жию о себѣ исправля́я,/ в ми́ре благоче́стно пожи́л еси́/ и ду́шу Го́споду в сосу́д избра́нный угото́вал еси́.

К Бо́гу ум твой вперя́я, о́тче преподо́бне,/ стра́сти многоразли́чныя смире́нием и жити́ем многотру́дным умертви́л еси́/ и в ра́дости всем тре́бующим твоея́ по́моци послужи́л еси́.

Богоро́дичен: О Пречи́стая Де́во Богоро́дице,/ не прѣ́зри нас грѣ́шных, тре́бующих Твоея́ по́моци и заступле́ния,/ и бу́ди нам Хода́таица,/ да пока́нием обря́щем отпу́щение грехо́в и живо́т ве́чный.

### Песнь 3

Ирмо́с: Процвела́ есть пусты́ня, я́ко крин, Го́споди,/ язы́ческая неплодя́щая це́рковь, прише́ствием Твои́м, // в не́йже утверди́ся моё се́рдце.

Ве́рным ча́дом преподо́бнаго ста́рца Варна́вы Гефсимáнскаго явѣлся еси́, свя́те,/ усѣ́рдно послуша́ние ему́ во всем явля́я./ Те́мже и сподо́бился еси́ от него́ бы́ти насле́дник благода́ти и даро́в духо́вных.

О́тче преподо́бне,/ ты попече́ние о убо́гих  
при́сно име́я,/ не возгнуша́лся еси́ послужи́ти  
о́ным твои́ма рука́ма,/ показу́я, я́ко всяк  
челове́к се́рдцу твоemú возлю́блен е́сть.

Слова́ а́ввы твоего́ Варна́вы до́бре  
исполня́я,/ на стра́сти вельми́ подвижа́лся еси́./  
Сего́ ра́ди, мно́гими добродéтелями от Бо́га  
укра́шен,/ дом Трисо́лнечнаго Свéта яви́лся еси́,  
преподо́бне.

Богоро́дичен: Преблагослове́нная,  
Всенепо́рочная Богоро́дице Мари́е,/ ро́ждшая  
нам Сло́во Бо́жие, от греха́ избра́нная Своя́  
изба́вившее,/ заступи́ и спаси́ ду́ши на́ша.

Седа́лен, глас 3:

Возра́дуйся, гра́де свята́го Петра́,/ и ма́лая  
весе́ Вы́рице, возвели́чися,/ се бо свети́льник  
ве́ры но́вый Серафим́,/ пропове́дник любве́ и  
покая́ния явля́ется/ и, да́ры Божéственныя  
ще́дро источа́я,/ мо́лится о душа́х на́ших.

Сла́ва, и ны́не, Богоро́дичен:

Я́ко невозде́ланная, Де́во, Лоза́, красне́йший  
Грозд прозя́бла еси́,/ источа́ющ нам вино́  
спасе́ния, всех весе́ляющее ду́ши и телеса́./

Тѣмже, яко винѹ Тя добрыхъ блажаще присно со  
А́нгелы, вопиѣмъ Ти: / радуйся, Благодатная.

#### Песнь 4

Ирмосъ: Пришелъ еси отъ Дѣвы, не ходатай, ни  
А́нгел, / но Самъ, Господи, воплощся, / и спасъ  
еси всего мя человека. / Темъ зовѹ Ти: // слава  
силе Твоей, Господи.

Очи сердца ко Творцѹ всяческихъ вперивъ / и  
на Бога Единого упование возложивъ, преподобне  
Серафиме, / иноческий образъ восприялъ еси / и во  
дни гонений козни вражия мужественно  
претерпѣлъ еси.

Евангельскихъ заповедей истинный  
последователь явился еси, преподобне, / темъже  
лѣстницею добродетелей къ совершенству  
многотрудно восходилъ еси, / всякое послушание  
добрѣ исполняя и молитву в сердце непрестанно  
совершая.

Монашеское житие в мире взыскуя и  
житейскихъ трудовъ не отвращаяся, / от юности  
добрый наставникъ всемъ явился еси, отче  
Серафиме, / сего ради сана иерейскаго от  
священномученика Вениамина Петроградскаго  
удостоился еси.

Богорóдичен: Тебé, Дéво, ед́ину вси вéрнии  
стяжа́хом Засту́пницу твéрду,/ Ты бо Бо́га  
родила́ еси́ нам,/ сего́ ра́ди хвала́ми, Чи́стая, Тя  
ублажа́ем по глаго́лу Твоему́.

### Песнь 5

Ирмо́с: Хода́тай Бо́гу и челове́ком был еси́,  
Христé Бо́же,/ Тобо́ю бо, Влады́ко, к  
Светонача́льнику Отцу́ Твоему́,/ от но́щи  
невéдения, // приведе́ние има́мы.

Яко свети́льник не мо́жет уккры́тися, верху́  
горы́ стоя́,/ тако́ труды́ и по́двизи твои́,  
преподóбне Сераф́име, я́же в келии вта́йне  
соверша́л еси́, яви́ша тя ми́ру./ Сего́ ра́ди  
ла́врская бра́тия и мирсти́и лю́дие притека́ху к  
тебе́, наста́вления взыску́я.

Посреде́ бу́ри тяжких гонéний/ и лю́тых  
испытáний тверд и непоколеб́им пребы́л еси́,  
преподóбне Сераф́име,/ тёплую моли́тву  
непреста́нно ко Го́споду возсыла́я/ и науча́я  
всех твор́ити святу́ю во́лю Его́.

Образ а́нгельский, вели́кую сх́иму, приём,  
о́тче,/ и́менем преподóбнаго Сераф́има,  
уго́дника Сарóвскаго, наречён был еси́,/ его́же

от юности всем сердцем возлюбив, / подвигом  
онаго подражати потщался еси.

Богородичен: Дивно возсия слава Твоя,  
Богородице Дево, / се бо Христа Бога  
неизреченно имела еси во чреве, / якоже некогда  
Исаия провозгласи, / и выше естества родила  
еси Спаса душ наших.

### Песнь 6

Ирмос: В бездне греховней валяясь, /  
неизследную милосердия Твоего призываю  
бездну: // от тли, Боже, мя возведи.

Озаряемь светом Христовым свыше,  
богомудре, / и по преселении твоём к Богу  
неоскудно исцеления источаеши / всем с верою  
к тебе притекающим.

Любовию божественною распалаемь, / дух  
мирен стяжал еси, отче преподобне, / дүхи же  
нечистыя изгоняя, / многия люди ко Христу  
привел еси.

Гласом тихим и кратким / притекающим к  
тебе любви и смирению наставлял еси, отче  
Серафиме, / таже и молитве непрестанней,  
попаляющей всякий грех, научал еси.

Богорóдичен: Ужасóшася А́нгелов во́инства и  
челове́ков собóри, Всенепорóчная,/ дивнаго и  
пáче ума́ Рождества́ Твоего́:/ кáко и Дéва  
пребыла́ еси́/ и Мáти Бóжия бы́ти сподóбилася  
еси́./ Сего́ рáди достóйно Тя вси сла́вим.

### Конда́к, глас 5:

Дрéвним отцём подража́я,/ пóдвигом дóбрым  
подвизáлся еси́/ и, благодáть Духа Свята́го  
обильно стяжа́в,/ Сарóвскому уго́днику  
уподóбился еси́/ и мно́гим путь спасéния явил  
еси́./ Сего́ рáди зовём ти:/ рáдуйся, преподóбне  
Серафíме,/ Алексáндро-Не́вския лáвры дивный  
подви́жниче/ и Вы́рицкия вéси сла́вная  
похва́ло.

### И́кос:

А́нгелов Творéц и Госпóдь Сил предызбра́ тя  
от ю́ности, преподóбне,/ бы́ти Ему́ служите́лем  
вёрным/ и наста́вником на путь спасéния  
притека́ющим к тебе́./ Мы же, дивя́щеся  
таковóму о тебе́ промышлéнию, с любóвию  
вопиём:/ рáдуйся, я́ко измла́да Бóгу послужíти  
возжелéл еси́;/ рáдуйся, я́ко в ми́ре пребывáя,  
добродéтельным житиём Бóгу угожда́л еси́;/  
рáдуйся, я́ко утéшитель стра́ждущих был еси́;/

ра́дуйся, я́ко пла́менную лю́бовь ко Христу́  
стяжа́л еси́;/ ра́дуйся, преподо́бнаго Варна́вы  
Гефсимáнского учени́чэ приле́жный;/ ра́дуйся,  
ди́внаго Серафíма Саро́вскаго подража́телю  
усе́рдный;/ ра́дуйся, Алекса́ндро-Не́вския ла́вры  
чу́дное прозябе́ние;/ ра́дуйся, ве́си Вы́рицкия  
Бо́жие благослове́ние;/ ра́дуйся, ско́рый  
помощни́че в ско́рбех и боле́знях;/ ра́дуйся,  
свети́льниче ве́ры правосла́вныя и благоче́стия;/  
ра́дуйся, преподо́бне Серафíме, ми́лостивый  
наш предста́телю пред Го́сподем.

### Песнь 7

Ирмо́с: Богопроти́вное велéние  
беззаконнующаго мучи́теля/ вы́со́к пла́мень  
вознесло́ е́сть:/ Христос́ же простре́  
богочестивым отро́ком росу́ духо́вную, // Сый  
благослове́н и препросла́влен.

Серафíму и Варна́ве преподо́бным  
подража́я,/ святы́ми их моли́твами укрепля́емь  
был еси́, свя́те,/ те́мже от Бо́га сподо́бился еси́  
проро́ческаго да́ра:/ гряду́щая наро́ду на́шему и  
Це́ркви Росси́стей предвозвеща́ти.

Еле́ню подо́бяся, устреми́лся еси́ душо́ю твоёю  
к го́рним оби́телем, преподо́бне,/ Промы́слом же

Бо́жиим соблюда́емь,/ по́двигом до́брым  
непреста́нно подвиза́лся еси́, взыва́я:/  
благослове́н еси́, Бо́же оте́ц на́ших.

Ру́це твои́ ко Го́споду со умиле́нием воздева́я/  
и уго́днику Бо́жию Сара́вскому подража́я, о́тче  
Серафа́име,/ моле́ние на ка́мени соверша́л еси́,  
по́я:/ благослове́н еси́, Бо́же оте́ц на́ших.

Богоро́дичен: А́нгельския Си́лы воспева́ют Тя  
немо́лно, Богороди́тельнице,/ и мы грешни́и  
взыва́ти дерза́ем:/ жити́е на́ше, Пречи́стая, к  
Твоему́ все́тихому приста́нищу напра́ви,  
зову́щих:/ благослове́н еси́, Бо́же оте́ц на́ших.

## Песнь 8

Ирмо́с: Пещь иногда́ о́гненная/ в Вавило́не  
де́йства разделя́ше,/ Бо́жиим велéнием халде́и  
опаля́ющая,/ ве́рныя же ороша́ющая,  
пою́щия:// благослови́те, вся дела́ Госпо́дня,  
Го́спода.

Фараони́ты мы́сленныя му́жески победив,/  
чистоту́ серде́чную стяжа́л еси́, о́тче  
преподо́бне,/ сего́ ра́ди душе́вныма очима́ Бо́га  
узрeв,/ с любóвию воспева́л еси́:/ благослови́те,  
вся дела́ Госпо́дня, Го́спода.

Имѹще тя, ѳтче, молитвенника тѣпла и помощника изрядна,/ от стрел вражиих спасаемся и Богу вопиѣм:/ благословите, вся дела Господня, Господа.

Многая чудеса, преподобне,/ силою Божиею, в тебе богато действующею, сотворил еси:/ слепии бо прозреваху, немии глаголаху,/ одержимии же от духов злобы свободяхуся./ Сего ради Богу, дивному во святых Своих, поѣм:/ благословите, вся дела Господня, Господа.

Богородичен: Естество человеческое из Тебе восприял есть, Владычице,/ всех Царь и Господь./ Сего ради Тя, яко Богородицу и Матерь Света, в песнях прославляем.

## Песнь 9

Ирмос: Безначальна Родителя Сын, Бог и Господь,/ воплощся от Девы нам явися,/ омраченна просветити, собрати расточенна.// Тем Всепетую Богородицу величаем.

Чисте зрѣти сподобился еси Царицу Небесную, преподобне,/ скорое отшествие твое от мира сего ти возвестившую./ Темже духом возрадовався, Бога прославил еси.

Утверди́ сердца́ наша́ на пути́ заповедей  
Господних, о́тче преподо́бне,/ да обрящем  
милость на Стра́шнем Суде́ Его́/ и просла́вим  
Отца́ нашего́, И́же есть на Небесéх.

Душе́ю твоёю, я́ко о́гненный Серафим,  
пламене́я,/ по́прище жи́зни твоея́ сверши́л еси́,  
о́тче преподо́бне./ Научи́ и нас и́стинней любви́  
ко Го́споду/ и помози́ и́мя сладча́йшее Иису́са  
непреста́нно призыва́ти.

Недостойными́ усты́ песнь ны́не тебе́  
принесо́хом, преподо́бне,/ сподо́би нас твоего́  
оте́ческаго благослове́ния,/ да просла́вим Бо́га  
нашего́, дивнаго во святы́х Свои́х.

Богоро́дичен: Его́же па́че естества́ родила́  
еси́, Ма́ти Пренепоро́чная,/ моли́ о всех нас,  
правосла́вно воспева́ющих Тя,/ я́ко Ма́терь  
Бо́жию и Присноде́ву.

### Свети́лен:

Благода́ть Свята́го Ду́ха, обильно́ всельшаяся  
в тя,/ я́ко свети́льника́ многосве́тлаго, показа́ тя  
ве́рным, преподо́бне./ Освети́ омраче́нная  
сердца́ наша́,/ да во све́те невече́рнем узрим  
Христа́, Бо́га нашего́.

Сла́ва, и ны́не, Богоро́дичен:

Честне́йши еси́ всея́ тва́ри, Богоро́дице Де́во,  
Христа́ ро́ждшая:/ Того́ у́бо моли́ сохра́нѣтисѣ  
ста́ду Твоему́ невредѣ́му/ от вся́каго наве́та  
сопроти́внаго.

На хвалѣ́тех стихѣ́ры, глас 4:

Притеце́м ны́не, вси ве́рнии,/ к  
преподо́бному и богоно́сному отцу́ на́шему,/  
пресла́вному Серафѣ́му Вы́рицкому  
чудотво́рцу,/ от ю́ности Бо́га возлюбѣ́вшему/ и  
на вся́ко вре́мя пра́ведно пред Ним ходѣ́вшему,/  
по отше́ствии же своѣ́м непреста́нно  
моля́щемуся ко Го́споду,/ о ѣ́же с ве́рою и  
любо́вию па́мьять егѠ́ почита́ющих.

Приидѣ́те ны́не, вси ве́рнии,/ припаде́м ко  
светѣ́льнику пресве́тлому,/ па́стырю до́брому  
словѣ́сных овец,/ предста́телю те́плому пред  
Сладча́йшим Иису́сом,/ и ходатаю́ о всех  
скорбя́щих и озло́бленных,/ пла́менному  
моли́твеннику ко Го́споду,/ о ѣ́же с ве́рою и  
любо́вию па́мьть егѠ́ почита́ющих.

Да лику́ет днесѣ́ земля́ Петербу́ржская,/  
прославля́ющи вели́каго уго́дника Госпо́дня,/  
Алекса́ндро-Не́вския ла́вры подви́жника,/

трудолю́бне восте́кшаго по ле́ствице  
добродете́лей/ к Небе́сному черто́гу Спа́са  
Христа́,/ иде́же мо́лится о душа́х на́ших.

Да ра́дуется Це́рковь Ру́сская,/  
прославля́ющи преподо́бнаго Серафима́  
Вы́рицкаго,/ и́же во времена́ гоне́ний и  
безбо́жия/ пра́вило ве́ры и о́браз благоче́стия  
явѣвшаго,/ ны́не же Престо́лу Бо́жию  
предстоя́щаго/ и моля́щагося непреста́нно о  
душа́х на́ших.

Сла́ва, глас 8:

Просла́вим, ве́рнии, подви́жника дѣвнаго,/  
чудотво́рца Вы́рицкаго Серафима́ но́ваго,/ сей  
бо, пока́нием ду́шу очѣстив,/ Ду́ха Бо́жия  
Уте́шителя бога́тно стяжа́/ и, сыно́внее насле́дие  
от Бо́га Отца́ по благода́ти получи́в,/ по стопа́м  
Христа́ в жи́зни земне́й после́дова/ и жизнь  
вѣчную, я́ко дар, улучи́./ Ны́не же, предсто́я  
Престо́лу Святы́я Тро́ицы, // со все́ми святы́ми  
непреста́нно сла́ву возсыла́ет.

И ны́не, Богоро́дичен, глас то́йже:

Влады́чице,/ приими́ моли́твы раб Твои́х/ и  
изба́ви нас // от вся́кия ну́жды и печа́ли.

## НА ЛИТУРГИИ

Служба вся преподобническая.

**Утверждена Священным Синодом  
Русской Православной Церкви  
19.03.2014 (журнал № 15).**

